

Regio & unde
dicta.
Situs.
Imperium maio-
rum.

Opida.

Tertia & postrema VWestphaliae Tabula, sicuti titulus ipse praese fert, tres partes graphice delineatas exhibet, *Ducatum Bergensem, Comitatum Marchia & Dioecesi Coloniensem*. Eas, eo quo propositae sunt ordine, percurramus. Offert se primo loco *Ducatus Montensis* sive *Bergensis* qui a Bergo ripensis Opido nomen habens, incipit apud inferiorem VVesaliam, ascenditque juxta Rhenum magno spatio. De hujus autem Ducatus initio sic scribit Munsterus: Tempore *Henrici Aucupis* Rom. Regis, nempe anno cccxxxiv fuere duo Fratres, qui ob exhibitum ministerium honorati fuerunt a rege Henrico, qui designavit eis in VWestphalia certam quandam regionem, in qua senior, nempe *Adolphus*, construxit Castellum quoddam prope Comitatum Arnsperg. nominavitque illud *Volveshegh*: & temporum successu non parum cultiorem reddidit terram illam per circuitum, Opidis & vicis eam ornans. Alter quoque Frater, *Eberhardus* nomine, construxit & ipse Castellum, appellavitque illud *Aldenburg*. Crescentibus autem Fratribus illis in potentia & opibus, creavit Rex *Adolphum* in Comitem, & ditionem erexit in Comitatum, qui dictus fuit *Comitatus de Altena*. *Eberhardi* quoque terram sublimavit in Comitatum *Bergensem*. Paullo post *Eberhardus* factus Monachus, tradidit Fratri suo ditionem suam, & constructo Monasterio juxta fluvium *Dnne* factus est Abbas in eo. Ab *Adolpho* & posteris ejus descenderunt comites isti: *Engelbertus, Adolphus, Engelprechtus & Adolphus*. Is vero *Adolphus* cum nullam reliquisset prolem, cessit Comitatus *Bergensis* filio Sororis suae, nempe *Gerado* Comiti *Iuliacensi*. Post eum praefuit utrique ditioni Filius ejus *VWilhelmus*, & post *VWilhelmum* *Gerardus*, post *Gerardum* filius ejus *Wilhelmus*: atque huic successit Filius ejus vocatus quoque *VWilhelmus*, Dux primus *Iuliacensis, Bergensis & Dux Gelrie*. Successit autem ei in his Ducatibus Frater ejus *Rainoldus* qui mortuus est anno Christi cixccccxxii. mansitque post haec tempora ditio *Montensis* apud Ducatum *Iuliacensem*. Sunt qui aiunt comitatum *Montensem* erectum eo tempore quando *Henricus Superbus* fuit depositus a *Friderico I.* Anno tamen Christi cixccccxxvi fecit *Carolus IV* ex comitatu *Marchionatum*, & Filius ejus *VVentzeslaus* sublimavit ad Ducatum. Haec ille. Est hic Imperiale, sub *Montensis* Ducis tutela Opidum *Essendia*, in quo *Alfridus IV Hildesheimensis* Praeful Collegiarum ut vocant *Virginum Vestalium* ex paternis facultaribus fundavit Coenobium, ut sub Abbatissae educatione lxxi Virgines alerentur, & xx similiter Canonici sub ejus loci Decano, Canonicam viverent vitam. Asyli Privilegio Abbatia gaudet, & locus in ea maxime *die Borch* nuncupatus. Villae aliquot vicinae ejus subsunt dominio. Ecclesia ibi perelegans in qua Tabula exhibetur visenda *Brunii illius Agrippinatis* opus. Ager Frumenti & Triticis praestantissimi ferax, unde candidus *Essendiae* panis in precio est. Opidani Negotiationem etiam remoram, alii Artem Textoriam, Fabrillem complures exercent. Non alium facile reperias locum, ubi plura conficiantur scopeta. Fontibus abundat & atro carbonario Lapide quem territorium vicinum suppeditat, potissimum vero qua *Steltium* est, ad *Ruram Amnem* Opidum. Est & *Dusseldorpium* a *Duselo* amne cognominatum. Atque Praefecturae xx, *Blanckenborch, Leuvenberch, Huickesvagen, Bornfeldt, Salingen, Lantzbergh, Dusseldorp, Steinbach, Byenbach,*